

Carta a Filemón

Kjibokwo ère tara Pablorë Filemón kong

Kjibokwo ère sorë

Domer shäng kjłara ko Pablo. E Sbö tjłökwö łaga Jesús äska włeniyo. Domer shäng kjłara obi ko Filemón. Dënashko ga Jesús roy pjłú łara Pablorë ba kong, ga tjłökwö kjrara. E kjışhko epga jëk löng ëng tjok pjłú řyado.

Domer shäng kjłara ko Onésimo. E Filemón parkaga tjwłëk shäng pjir włeniyo. Pjłara ga ba sogo ři łlëbo łüyotkara, ga töktong ey dwayo, jek öötong shäng Roma kjokyo. (Eshko dbaryo ga ëye łlëbo łüyotkono ga włëkoba ga zrökoba jekdo.) Eshko dbaryo ga Pablo sök kjërshko Roma kjokyo, Jesús roy pjłú łara kjışhko, tak pjang Hechos 28.16-31 go sorë ři eni. Eshko ga Jesús roy pjłú łara Onésimo kong, ga tjłökwö kjrara. Eni ga jek woydë iröng ba sogo ři shwoy, łlëbo shäryara owa ři łlgweya ba tjok wło.

E kjışhko ga kjibokwo ère tara Pablorë Onésimo kong, söya jek ba sogo ři kong wło, włëpyotke wło. Łlëbo pjłú shäryara Jesúsde Filemón kong ara, owa pjang ba go ři löna beno dret ři łara ba kong. Eni ga ichara łlëbo owa shäryara ba parkagarë ba kong ři ie ber tjwłö łlëm, ga ber shäng wopjłú ba tjok shara.

¹Kjibokwo ère taga tja Pablorë, bi kjłara Timoteo tjok. Tja sök kjërshko. Tja bängzak shäng jüşhko, Cristo Jesús tjłökwö kjışhko.

Filemón, pja parkë shäng borwa tjok, ga pja woydërwa ara. Kjibokwo ère ichërwa jek bop kong, ²borwa dor Apia kong, borwa kjłara Arquipo kong, Jesús tjłökwö kjrägaga tön löng bop ushko ři kong bakoe. Arquipo parkë shäng Jesús kong borwa tjok.

³Rokër bi Data Sbö kong, Tjłapga Jesucristo kong ga ba wopjłú ři kjışhko ga pjây kjimte łok ara, pjây ie ber löng włëp bakoe.

Nopga woydara Filemóndë ara

⁴⁻⁵Filemón, pja roy kuror ga pja măr shäng Tjłapga Jesús go, ba tjłökwö kjrägaga woydëp ara bakoe. E kjışhko ga tja syöshhtë Sbö kongshko ga pja woyotjłin ga tja wopjłú bor Sbö tjok bop kjışhko. ⁶Rokër Sbö kong ga pja

kjimte jëk pjíú tjíókwo kjragaga lí tjok jek kégong, ílëbo pjíú twe Cristorë bi kong lí miydëp uunkong wílo. ⁷Pja bor kjíara. Tjíókwo kjragaga lí kjimtëp ara, ga epga löng wopjílú bop kjíshko. E kjíshko ga tja wopjílú, woowa ílëme.

Pablo tjíëno Onésimo kjíshko

⁸⁻⁹E kjíshko ga ílëbo rokër bop kong. Tja kong dbo twara Cristorë kjíshko ga pja ichër ba shäryë dbo goshko ga pjíúe. Gueniyo ga shji ëng woydë ara kar kar kuzong ga pja ichër woydë eni ílëme. Tja tjíabíla tjän, ga tja bängzak shäng kjërshko, Cristo Jesús tjíókwo kjíshko. ¹⁰Eni ga ílëbo rokër bop kong Onésimo kjíshko. Tja sök kjërshko, orkwo kjírochak pjir dröng sho goshko wopro ga e Jesús tjíókwo kjírono, ga beno bor wa wíleni e kjíshko. ¹¹Dënashko ga sök bop tjókshko ga e bop kong ga ílëno ílëme. Gueniyo eerishko ga e beno tjwíló ara bop kong shara, tjwíló ara bor kong bakoe.

¹²E ichër jek bop kong iröng obi, woydër ara bor wa wíleni gueniyo. ¹³Tja bängzak shäng Jesucristo tjíókwo roy pjíú lí kjíshko. Eni ga pja shäng jüshko kjwe ga miydër ga tja kjimtëp. E kjíshko ga woydoror ga e ber sök bor tjok bop áska. ¹⁴Gueniyo ga shäryër eni ílëme. E bopoya kjíshko ga ílëbo shäryër woydë ba tjok ílëm, kjakrokër bop kong guing. Tja kjimtëpshko ga woydër ga shäryëp bop woshko, pja ichoror ba shäryë dbo go kjíshko ílëme.

¹⁵Tja wotjílík ga töktong bop ushko dwayo dbar kjwöbö ga pjíúe ílër. Eerishko ga äär iröng ber sök bop tjok íyado wílo shara. ¹⁶Ber bop parkaga tjwílek shäng pjir wíleniyo dö ame, ber bop kjíara, woydëp ara wíleniyo bakoe. Tja omwoydë ara, gueniyo ga woydër ga pja omwoydë e kjinmo. Ber bop parkaga dö ame, ber bop kjíara bako, mär shäng Tjílapga Jesús go kjíshko. Woydër ga pja omwoydë ara e kjíshko.

¹⁷Eni ga bop kong ga tja bop kjíara lëp wíleni ga Onésimo wílokrëp, tja wílokrorop wíleni. ¹⁸Ílëbo shäryara bop kong owa, pogo tjwíló bop kong wíleni ga ba tjwíló lí rokëp ba kong ílëm, rokëp bor kong dey. ¹⁹Tja Pablo, tjíókwo ëre tër bop kong bor orkwo om go go shara. Pogo tjwíló bop kong kjöme lí tjwílënga tjarë bop kong. Pja döktong, tjíókwo löror bop kong lí kjíshko. E kjíshko ga pja pogo tjwíló bor kong ara bakoe. Gueniyo woyoshrër woydë bop kong ílëme. ²⁰Pja bor kjíara. Ga shji tóno beno tjeng Cristo tjok kjíshko ga ílëye rokër bop kong lí shäryos bor kong eni. Eni ga tja ber wopjílú eshko. ²¹Miydër ga ílëye rokër bop kong lí, e shäryëp eni. Miydër ga shäryëp e kjinmo bakoe. Kjibokwo ëre tër bop kong e kjíshko.

²²Ílëbo rokër bop kong kjirina obi. Pja syöshtë Sbö kong ga tja kjimte äär eshko iröng obi. Ga tja kong shto wílep kjirina, tja äärshko ga tja ber sök kjone shtoyo tjok wílo.

Kjibokwo pjirzlong

²³Bor kjłara Epafras, «¿Pja yonde?» ĩe bop kong. E shdung shäng bor tjok ëreshko, Cristo Jesús tjłokwo kjĩshko. ²⁴Marcos, Aristarco, Demas, Lucas, «¿Pja yonde?» ĩe łok bop kong bakoe. Tja kjimte łok bor pak shäryë.

²⁵Rokër Tjłapga Jesucristo kong ga ba wopjlú ĩi kjĩshko ga pja kjimte ara.